



UNIVERSITÄTS-
BIBLIOTHEK
PADERBORN

Universitätsbibliothek Paderborn

Marcvlfī Monachi Formvlarvm Libri Dvo

Marculfus <Monachus>

Paris, 1635

XVI. Confirmatio Regis ad locum sanctum.

urn:nbn:de:hbz:466:1-10644

decernimus, quam perpetualiter mansuram esse iubemus, vt ipsam villam, memorata ecclesia illa, vel antedictus Pótifex, aut ille Abas, vt diximus in omni integritate cum terris, *et cetera quæ superius sunt*, ita vt eam & ipsi & successores sui habeant, teneant & possideant, vel quicquid exinde ad profectum Ecclesiæ illius aut basilicæ facere voluerint, ex permisso nostro in omnibus habeant potestatem; Et vt hæc auctoritas firmior habeatur, vel per tempora conseruetur, manus nostræ subscriptionibus subtus eam decreuimus roborare.

XVI. CONFIRMATIO.

QVem diuina pietas sublimat ad Regnum, condecet facta conseruare parentū, præcipue quod pro compendiis Ecclesiarum, aut locis sanctorum, à regali clementia

44 MARCVLFI MONACHI
pro æterna retributione probatur
esse indultum, oportet conseruare
cum. Igitur Apostolicus, vir pater in
Christo noster, illius vrbis Episco-
pus, clementiæ Regni nostri detulit
in notitia, quasi ille Rex per suam
præceptionem, sua manu subscri-
ptam, ad Ecclesiam illius, cui præef-
se dignoscitur, villam nuncupa-
tam illam, sitam in pago illo, cum
integritate sua, sub omni emunita-
te, absque vlllo introitu iudicum, de
quibullibet causis ad freda exigen-
dum, propter nomen Domini con-
cessisset: & ipsam præceptionem se
præ manibus habere adfirmat, &
memorata villam ipse Pontifex,
sub eodem modo ad partem Eccle-
siæ possidere videatur, petit ad celsi-
tudinem nostram, vt hoc circa eo-
dem, vel memorata Ecclesia domni
illius, per nostra deberemus confir-
mare oracula. Quod nos propter

nomen Dei, & reuerētia ipsius sancti loci, vel merito præfati Pontificis, gratante animo præstitisse, & confirmasse cognoscite. Præcipientes enim, vt sicut constat præfatam villam, à iam dicto principe, memoratæ Ecclesiæ illius, cum integritate, sub omni emunitate fuisse concessam, & eam ad præsens possidere videtur, inspecta ipsa cessione, per hoc præceptum plenius in Dei nomine confirmatam, sub eo ordine, & ipse, & successores eorū, vel memorata Ecclesia domini illius, illam teneant, & possideant, & eorum successoribus ad possidendum relinquant, vel quicquid exinde pro oportunitate ipsius sancti loci faciendum decreuerint, ex nostro permissu liberam habeant potestatem. Et vt hæc auctoritas, &c.